

KIMETZ FURUNDARENA AGIRRE

B Maila | Bertsoa | 1. saria

Kimetz Furundarena Agirre naiz eta 15 urte ditut, DBH4. urtea burutzen ari naiz Beasaingo Ikastolan. Kirol eta politikaren jarraipena egitea gustatzen zait eta horren inguruan asko irakurtzen dut. Bertsolaritzan berriro ere hasi naiz eta nire esperientziak eta bizipenak kontatzeko idatzi izan ditut sarritan bertsoak.



NIRE BIZITZA

Doinua: Amodioa gauza tristea

Jaio-berritan jada banuen

gorputz oso berezia,

ezkerraldeko esku ta hanka

itxurak adierazia.

Bizkarrezurra okerra eta

biriketan ahulezia,

entzumen txarra, beraz ezpainak

irakurtzen trebezia

dena arazo nuen txikitan,

hori zen nire bizia.

Txikia nintzen garai haietan,

zenbat denbora kanpoan!

Erietxetik erietxera

zenbat etorri ta joan...

Ebakuntza bat, gero beste bat,

hobetzeko esperoan,

tututxo bati lotuta ere

egon nintzen luzaroan,

nire bizitza egon izan da

heriotzaren ondoan.

Bizkarrezurra tente jartzeko

ebakuntzaren aurrean,

zortzi urtekin sartu ninduten

gela berde-hotz batean.

Ebakuntza hark soka luzea

ekarri zuen ostean,

mediku batek hanka sartzea

gorde zuen isilpean,

lehen nituen hainbat gaitasun

galdu nituen airean.

Jendea asko hunkitu ohi da
jakin ondoren hau dena,
begiradetan sentitu ditzaket
errukia eta pena.

Bada ordea beste mezu bat
nik eman nahi nukeena:

Mundu honetan jende asko da
arazoak dituen,
eta arazo hoiengan
nirea ez da txarrena.